

Angajoqqaat sulingiffeqartarnerat pillugu malittarisassani atuuttut allangortinnissaanut siunnersuusioqqullugit Naalakkersuisut peqquneqarnissaanik Inatsisartut aalajangiiffigisassaattut siunnersuut, taamaasilluni sulingiffeqartarneq sapaatip akunnerinik sisamanik sivitsorneqartussangorlugu. Allanguut atuutilissaaq ulloq 1. juuli 2019 aallarnerfigalugu.

(Inatsisartuni ilaasortaq Randi Vestergaard Evaldsen, Demokraatit)

Akissuteqaat

Peqqissutsimut, Isumaginninnermut Inatsisinillu Atuutsitsinnermut Naalakkersuisoq Siullermeerneqarnera

Naalakkersuisut Inatsisartut aalajangiiffigisassaattut siunnersuummut saqqummiunneqartumut qujapput.

Ilaqutariinnut meerartalinnut pitsaaneruseqarnera atugassaqtitsinissap qanoq ililluni pilersinneqarsinnaanera Inatsisartuni ingerlaavartumik oqaluuserineqartarpoq, assersuutigalugu angajoqqaat sulingiffeqartarnerisa sivitsuiffiginissaanut tunngatillugu.

Ilaqutariit pitsaaneruseqarnera atugassaqtinnissaat pillugu siunnersuuteqartoq Naalakkersuisut isumaqatigaat. Angajoqqaat meeqqallu pitsaasumik toqqissisimanartumillu pitsaanerpaamik atugaqarlutik aallartinnissaat pingaaruteqarpoq. Tamakku qulakkeertariaqarpavut - naartuneq ernereernerlu kisiisa pinnagit, kisianni aamma meeqqat peroriartornerat eqqarsaatigalugu. Ilaqutariit meerartallit atugarisaat tamakkiisumik isiginnittaaseqarluta isigisariaqarparput.

Naalakkersuisut aqqissuusseqqinnernik pingaarutilinnik suliaqareersimapput imaluunniit aallartitserersimapput.

Inatsisartut 2017-imi ukiakkut ataatsimiinneranni meeqqanut tapiissutit ineqarnermullu tapiissutit Naalakkersuisunit aqqissuusseqqiffigineqarput, taakkulu aqqutigalugit ilaatigut ilaqutariinnut meerartalinnut aamma appasissumik akunnattumillu aningaasarsialinnut atugassarititat pitsannorsaaffigineqarput, ilaatigut meeqqanut tapiissutit aamma ineqarnermut tapiissutit qanoq ilineratigut atorunnaarsinnissaat pillugit malittarisassanik killissarititaasunillu allangortitsinikkut.

Naalakkersuisut taamatuttaaq ilaqutariinnut politikki suliaralugu aallartissimavaat, tassungalu naartunermut erninerimullu atatillugu sulingiffeqartarneq aamma angajoqqaat sulingiffeqartarnerat ilanngunneqassapput.

Naalakkersuisut siusinnerusukkut - suliffeqarfeqarfimmi illuatungeriit suleqatigalugit – erninerimut atatillugu aningaasaateqarfimmik pilersitsinissaq sulissutigineqartoq pillugu nalunaaruteqareernikuupput. Sulineq tamanna suli ingerlavoq. Naalakkersuisut erninerimut atatillugu aningaasaateqarfimmik pilersitsinissaq pillugu inatsisissatut siunnersuutissamut missingiummik suliaqarlutik aallartereerput.

Suliffeqarfeqarfimmi naligiissitaanerup pitsaanerulersinnissaa, taamaalilluni arnat qitorniorsinnaalernermik nalaanniittut tunullunneqartannginnissaat, taamatullu

ilaqutariit meerartallit naartunerup erninerullu nalaani naammaginatunmik pilersorneqarnissaminnut tunngavissinneqarnissaat, erninermut atatillugu aningaasaateqarfiup qulakkiissavaa. Tamatuma ilaqutariit meerartallit atugaat annertuumik pitsaanerulersissavai.

Ulloq manna tikillugu arnat qitorniorsinnaalernermik nalaanniittut suliffinni sulisoriumaneqannginnerannut assersuutissanik ajoraluartumik naammattuuisarpugut, tamatumunngalu pissutaavoq suliffeqarfiit ernereermermi sulinngiffeqarnerup nalaani akissarsianut tamakkiisumik akilersuisarnerat. Massakut taamaattoqarunnaarnissaa assigiimmik pisussaaffiliisumik erninermut atatillugu aningaasaateqarfiliornikkut pissaaq, suliffeqarfiit akissarsianut aningaasartuutaasa annerpaartaasa erninermut atatillugu aningaasaateqarfimmit utertinneqartarnissaat taassuma qulakkiissammagu.

Naalackersuisut erninermut atatillugu aningaasaateqarfimmi pilersitsinissamik suliap nanginneqarnissaanik kissaateqarput. Erninermut atatillugu aningaasaateqarfimmi pilersitsineq ernereermermi sulinngiffeqartunut tamanut aningaasaqarnikkut iluaquserneqarnermik kinguneqartussaavoq.

Ernereermermi sulinngiffeqartarnermik aaqqissuussinerup pitsanngorsaaffigineranut tunngatillugu tamanna alloriarnerussaaq siulleq.

Naartunermut erninernullu atatillugu sulinngiffeqartarnermik aaqqissuussinerup ilusaata isiginiarneqarnissaa alloriarneruvoq tulleq, assersuutigalugu ilaannakortumik sulinngiffeqarsinnaanermik periarfissiinikkut sulinngiffeqarneq eqaannerusoq, sulinngiffeqarnerup unitsinneqarsinnaaneranik kingusinnerusukkullu aallarteqqissinnaaneranik periarfissat, kiisalu anaanaasup, ataataasup angajoqqaallu sulinngiffeqartarnerisa sivisussusaasa isiginiarneqarnissaat. Naartunermut erninernullu atatillugu sulinngiffeqartarnerup aamma angajoqqaat sulinngiffeqartarnerata sivitsornissaannut periarfissat atulersinneqariartornertut iluseqartillugit suliamut tassunga aammattaaq ilanngunneqassapput. Suliniutit taakku nutaat ataatsimuussutigaa sulisorineqarsinnaasunik pitsanngortitsisinnaagunik pitsanngortitsisinissanut missingersuunneqassagamik.

Siunnersuuteqartup aningaasalersuinissamut siunnersuutaa misissuiffigeqqissaartariaqartoq Naalackersuisut isumaqarput. Taamaammat piunasaqaatit kingunerisassallu iluamik eqqarsaatigeqqaarnagit piviusunngortinneqarsinnaanngilaq, tassami susasaqarfinni assigiinngitsuni ingerlatsinerit ajortumik sunnerneqarsinnaapput, taamaattoqassappallu sunniummik agguataarineq assigiimmik pinaviarnani. Tamanna AIS19-imi 15 mio. kr.-inik AIS19-imi sipaartoqarnissaanik kissaateqarnermut atatillugu isiginiarneqassaaq aamma aningaasaliissutit amerlanersaannut akinut akissarsianullu iluarsiiisoqarnissaanik pilersaaruteqartoqanngineranut isiginiarneqassalluni.

Naalackersuisut ilaqutariinngorlaanut pissutsinik pitsanngorsaataasinnaasunik aningaasartuutit minnerpaaffissaanniitillugit suliniutit nalinginnaasumik ajunngitsumik isumaqarfigisarpaat, taamaattumillu sammisaq Naalackersuisut ilaqutariinnut politikkissaanni ilanngunneqarumaarpoq.

Siunnersuulli taanna sullissinermik pitsanngoriartitsineruvoq aningaasartuuteqarfiusussaaq. Siunnersuut Inatsisartut akuersissutigissappassuk Naalackersuisut siunnersuut, siunnersuutinut allanut aningaasartuuteqarfiusussanut ilanngullugu aningaasanut inatsisissamut isumaqatiginninniarnermut maanna ingerlasumut atatillugu ataatsimut pingaartitanut ilanngunnissaa inassutigissavaat.

Angajoqqaat sulinngiffeqartarnerisa annertusineqarnerata atulersikkiartuaarneqarnissaa Naalackersuisut sulissutiginiarpaat, taamaattorli sulisussat pisariaqartinneqartut

eqqarsaatigalugit piviusorsiornissaq pisariaqartoq isumaqarlutik. Taamatut oqaaseqarlutik siunnersuutip itigartinneqarnissaa Naalakkersuisut innersuussutigaa, oqaatigineqareersutullu kajumissaarutigalugu apeqqutit aningaasanut inatsisissap isumaqatigiinniussutigineqarnerani qaqinneqassasut.